

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-02-22801/21
Sarajevo, 10.09.2021.godine

SKUPŠTINA KANTONA SARAJEVO
gosp. Elvedin Okerić, predsjedavajući Skupštine Kantona Sarajevo

PREDMET: Zastupnička inicijativa zastupnika Senada Hasanovića, odgovor, dostavlja se –

VEZA: Vaš akt, broj: 01-04-22801-3/21 od 01.06.2021. godine

Na 37. Radnoj sjednici Skupštine Kantona Sarajevo, održanoj dana 31.05.2021. godine, u okviru tačke Dnevnog reda "Poslanička/zastupnička pitanja, inicijative i odgovori", zastupnik Senad Hasanović uputio je zastupničku inicijativu, kako slijedi:

"Pokrećem inicijativu prema Vladi Kantona Sarajevo i resornom ministarstvu da pristupi usklađivanju i harmonizaciji zakonskih i podzakonskih rješenja koja definiraju izbor i imenovanje upravljačkih struktura u ustanovama i preduzećima čiji je osnivač Kanton Sarajevo.

OBRAZLOŽENJE:

Nerijetko je moguće primijetiti značajne razlike u uslovima koji se postavljaju za kandidate koji apliciraju za upravljačke strukture u Javnim ustanovama u Kantonu Sarajevo, čak i kod ustanova čija je djelatnost vrlo srodna uslovi na konkursima mogu biti značajno različiti kako u pogledu potrebnog nivoa obrazovanja, radnog iskustva i sl.

Vrlo često pojedine ustanove definiraju i posebne uslove u vidu završenih edukacija, posjedovanja certifikata ili stručnih zvanja, a koja nisu dio formalnog obrazovnog sistema Kantona Sarajevo ali ni BiH.

Značaj broj ustanova i preduzeća definiranje posebnih uslova na konkursima, a koji idu do te mjere da tražene uslove može zadovoljiti tek nekoliko privilegovanih kadrova, pravda statutima i internim aktima koji vrlo često nisu usklađeni sa zakonskim rješenjima Kantona Sarajevo i FBiH.

Definiranje posebnih uslova kod raspisivanja konkursa za pojedine pozicije kako u Javnim ustanovama tako i u Javnim preduzećima predstavlja svojevrsnu diskriminaciju i prikriveno pogodovanje unaprijed određenim podobnim kandidatima.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



Zbog svega navedenog smatram da je više nego opravdano pristupiti standardizaciji opštih i posebnih uslova koji se mogu tražiti prilikom raspisivanja konkursa za srodne djelatnosti."

S tim u vezi, Ministarstvo pravde i uprave Kantona Sarajevo dostavlja sljedeći:

ODGOVOR

Ministarstvo pravde i uprave je inicijativu dostavilo svim ministarstvima tražeći da se izjasne na inicijativu, odnosno da li postoji mogućnost usklađivanja uslova i kriterija za izbor i imenovanje upravljačkih struktura, kako je to navedeno u inicijativi zastupnika.

Izjašnjenja na inicijativu, koja dostavljamo u prilogu ovog odgovora, dostavila su sljedeća ministarstva:

1. Ministarstvo finansija, broj: 08-01-02-24815/21 od 16.06.2021. godine;
2. Ministarstvo zdravstva, broj: 10-04-24815/21 od 21.06.2021. godine;
3. Ministarstvo za boračka pitanja, broj: 06-04-02-24815/20 od 21.06.2021. godine;
4. Ministarstvo kulture i sporta, broj: 12/03-04-02-24815/20 od 24.06.2021. godine;
5. Ministarstvo za odgoj i obrazovanje, broj: 11-05/2-02-24815-5/21 od 30.06.2021. godine;
6. Ministarstvo privrede, broj: 07-03-04-24815/20 od 05.07.2021. godine;
7. Ministarstvo za nauku, visoko obrazovanje i mlade, broj: 27-01/2-02-27282/21 od 08.07.2021. godine.

Ministarstva koja su dostavila izjašnjenja na inicijativu su se osvrnuli na postojeću regulativu kojom se uređuje izbor upravljačkih struktura, te su naveli propise u skladu sa kojima se vrši izbor shodno njihovoj nadležnosti.

Ono što su istakli kao smetnju za donošenje jedinstvenih uslova i kriterija za izbor upravljačkih struktura na nivou Kantona Sarajevo je da se radi o različitim djelatnostima i oblastima koje su uređene posebnim propisima, kao i propisima višeg nivoa vlasti.

Primjeri gdje se procedura izbora upravljačkih struktura provodi u skladu sa propisima višeg nivoa vlasti su procedure imenovanja upravnih i nadzornih odbora javnih zdravstvenih ustanova, procedura imenovanja upravnog odbora Zdravstvenog osiguranja Kantona Sarajevo, kao i organi kantonalnih javnih preduzeća.

Ministarstvo za nauku, visoko obrazovanje i mlade je u izjašnjenju koje je dostavilo ukazalo na razlike između dvije ustanove koje su u nadležnosti ovog ministarstva (Javna ustanova Univerzitet u Sarajevu, Javna ustanova "Studentski centar" Sarajevo), *"sa različitim obimom ovlaštenja, svrhom osnivanja, strukturom te da su njihove upravljačke strukture neuporedive"* i *"da se ne mogu dovesti pod istu ravan"*. U svom izjašnjenju dalje navode, da bi prilikom realizacije navedene inicijative, bilo potrebno *"cijeniti svrhu postojanja i djelatnost ustanove, visinu budžeta ustanove, broj radnika zaposlenih u ustanovi i ostale specifičnosti."*

Ministarstvo kulture i sporta je istaklo da su kriteriji za izbor upravljačkih struktura u oblasti kulture unificirani za sve javne ustanove kulture (Odluka o standardima i kriterijima za imenovanje na pozicije predsjednika i članova upravnih i nadzornih odbora ustanova iz oblasti kulture i sporta ("Službene novine Kantona Sarajevo", broj 18/15)), da se djelatnost kulture ne obavlja radi sticanja dobiti, kao što je slučaj u javnim preduzećima, već radi općeg, javnog interesa, te da iz tog razloga, posebni uslovi za izbor upravljačkih struktura ne mogu biti isti.

Ono što dodatno može predstavljati prepreku za utvrđivanje jedinstvenih uslova i kriterija je i da različite djelatnosti i oblasti, za koje se vrši izbor upravljačkih struktura, zahtijevaju i specifično



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241

Sarajevo, Reisa Džemaludina Čauševića 1



obrazovanje i radno iskustvo.

Uzimajući u obzir dostavljena izjašnjenja, ovo Ministarstvo je stava da nije moguće propisati jedinstvene uslove i kriterije kako je to predloženo u inicijativi.

Prilog, kao u tekstu.

S poštovanjem,

Dostaviti:

1. Naslovu;
2. Stručna služba Vlade Kantona Sarajevo – na znanje;
3. a/a.



Darja Sofić Kađenić



web: <http://mpu.ks.gov.ba>
e-mail: mpu@mpu.ks.gov.ba;
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1



03

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



28.26
04 pb.1

Босна и Херцеговина
Федерација Босне и Херцеговине
КАНТОН САРАЈЕВО
Министарство финансија

Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj :08-01-02-24815/20
Sarajevo, 16.06.2021.godina

MINISTARSTVO PRAVDE I UPRAVE

O v d j e

Predmet: Izjašnjenje, daje se

Veza vaš broj 03-04-02-24815/20 od 14.06.2021. godine

Poštovani,

Vezano za vaš dopis i zastupničku inicijativu uvaženog zastupnika Senada Hasanovića da se pristupi usklađivanju i harmonizaciji zakonskih i podzakonskih rješenja koja definiraju izbor i imenovanje upravljačkih struktura u ustanovama i preduzećima čiji je osnivač Kanton Sarajevo, obavještavamo vas da Ministarstvo finansija nije nadležno za izradu propisa koji definiraju izbor i imenovanje upravljačkih struktura u ustanovama i preduzećima čiji je osnivač Kanton Sarajevo.

Pripremila- Avdić Z.



MINISTAR /

Da /



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62





Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-24815/21
Sarajevo, 21.06.2021. godine

MINISTARSTVO PRAVDE I UPRAVE
KANTONA SARAJEVO
- O V D J E -

Predmet: Izjašnjenje dostavlja se
Veza Vaš akt broj: 03-04-02-24815/20 od 14.06.2021. godine

Ministarstvu zdravstva Kantona Sarajevo dana 18.06.2021. godine, dostavili ste zastupničku inicijativu zastupnika Senada Hasanovića, kojom uvaženi zastupnik predlaže da „se pristupi usklađivanju i harmonizaciji zakonskih i podzakonskih rješenja koja definiraju izbor i imenovanje upravljačkih struktura u ustanovama i preduzećima čiji je osnivač Kanton Sarajevo.“

U vezi sa naprijed navedenim dostavljamo sljedeće izjašnjenje:

Proceduru imenovanja upravnih odbora javnih zdravstvenih ustanova Ministarstvo zdravstva Kantona Sarajevo provodi u skladu sa Zakonom o ministarskim, vladinim i drugim imenovanjima („Službene novine FBiH“, br. 12/03, 34/03 i 65/13), Zakonom o zdravstvenoj zaštiti („Službene novine Federacije BiH“, br. 46/10 i 75/13), te Odlukom o kriterijima za nominiranje/imenovanje predsjednika i članova upravnih odbora javnih zdravstvenih ustanova čiji je osnivač Kanton Sarajevo („Službene novine Kantona Sarajevo“, br. 19/12, 12/13, 17/15 i 22/19), koju je donijela Vlada Kantona Sarajevo.

Proceduru imenovanja nadzornih odbora javnih zdravstvenih ustanova Ministarstvo zdravstva Kantona Sarajevo provodi u skladu sa Zakonom o ministarskim, vladinim i drugim imenovanjima („Službene novine FBiH“, br. 12/03, 34/03 i 65/13), Zakonom o ustanovama („Službeni list RBiH“ br: 6/92, 8/93 i 13/94), te Odlukom o kriterijima za nominiranje/imenovanje predsjednika i članova nadzornih odbora javnih zdravstvenih ustanova čiji je osnivač Kanton Sarajevo („Službene novine Kantona Sarajevo“, br. 19/12, 12/13 i 22/19), koju je donijela Vlada Kantona Sarajevo.

Također proceduru imenovanja upravnog odbora Zavoda zdravstvenog osiguranja Kantona Sarajevo, Ministarstvo zdravstva Kantona Sarajevo provodi u skladu sa Zakonom o ministarskim, vladinim i drugim imenovanjima („Službene novine FBiH“, br. 12/03, 34/03 i 65/13), Zakonom o zdravstvenom osiguranju („Službene novine FBiH“, br. 30/97, 7/02, 70/08 i 48/11), te Odlukom o kriterijima za nominiranje/imenovanje predsjednika i članova Upravnog odbora Zavoda zdravstvenog osiguranja Kantona Sarajevo, kojeg je osnivač Kanton Sarajevo („Službene novine Kantona Sarajevo“, br. 25/16 i 22/19), koju je donijela Vlada Kantona Sarajevo.

Iz naprijed navedenog može se konstatovati da se procedura imenovanja upravnih i nadzornih odbora javnih zdravstvenih ustanova, provodi u skladu sa zakonskim rješenjima koje je donio federalni nivo vlasti, tako da nismo sigurni koliko možemo uticati na harmonizaciju ovih zakonskih rješenja.

Što se tiče navedenih odluka o kriterijima za nominiranje/imenovanje na ove pozicije, koje je donijela Vlada Kantona Sarajevo, kao podzakonskih akata, mišljenja smo da bi se ista mogla harmonizirati, uvažavajući određene specifičnosti svake oblasti.

S poštovanjem,



Dostaviti.
1. Naslovu
2. a/a




web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1



2831
PB-2

Bosna i Hercegovina
Federacija Bosne i Hercegovine
KANTON SARAJEVO
Ministarstvo za boračka pitanja



Босна и Херцеговина
Федерација Босне и Херцеговине
КАНТОН САРАЈЕВО
Министарство за борачка питања

04

Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-02-24815/20
Sarajevo, 21.06.2021. godine

KANTON SARAJEVO
MINISTARSTVO PRAVDE I UPRAVE
-OVDJE-

Predmet: Izjašnjenje u vezi zastupničke inicijative zastupnika Senada Hasanovića, dostavlja se

Ministarstvo za boračka pitanja zaprimilo je Vaš akt kojim tražite, da se sva ministarstva u što kraćem roku očituju o zastupničkoj inicijativi zastupnika Senada Hasanovića, odnosno o mogućnosti da se utvrde jedinstveni standardi i kriteriji za sve upravljačke organe koje imenuje Vlada Kantona Sarajeva. Inicijativom se predlaže da “se pristupi usklađivanju i harmonizaciji zakonskih i podzakonskih rješenja koja definišu izbor i imenovanje upravljačkih struktura u ustanovama i preduzećima čiji je osnivač Kanton Sarajevo.”

U vezi predložene zastupničke Inicijative dajemo slijedeće

I Z J A Š N J E N J E

Ministarstvo za boračka pitanja Kantona Sarajevo ističe da predložena inicijativa nije prihvatljiva jer se članovi upravljačkih tijela Javne ustanove "Fond Memorijala Kantona Sarajevo" i Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE" imenuju u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i Zakonom o ustanovama ("Službeni list RBiH", br. 6/92, 8/93 i 13/94). Utvrđivanje jedinstvenih standarda i kriterija za upravljačke organe koje imenuje Vlada Kantona Sarajeva proizvela bi izmjenu akata koje usvaja Skupština i to: Odluke o osnivanju Javne ustanove "Fond Memorijala Kantona Sarajevo", Odluke o preuzimanju prava osnivača Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE", Statuta Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata "IKRE", kao i akata koje usvaja Vlada Kantona Sarajevo: Odluke o



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo za boračka pitanja



Босна и Херцеговина
Федерација Босне и Херцеговине
КАНТОН САРАЈЕВО
Министарство за борачка питања

Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

standardima i kriterijima za imenovanje na poziciju predsjednika i članova Upravnog odbora i predsjednika i članova Nadzornog odbora Javne ustanove “Fond Memorijala Kantona Sarajevo”, Odluke o standardima i kriterijima za imenovanje na poziciju predsjednika i članova Upravnog odbora i predsjednika i članova Nadzornog odbora Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata “IKRE” i Pravila Javne ustanove “Fond Memorijala Kantona Sarajevo”.

S poštovanjem,

Dostaviti:
-Naslovu
-A/a



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1



03
28-06-2021
283x

Bosna i Hercegovina
Federacija Bosne i Hercegovine
KANTON SARAJEVO
Ministarstvo kulture i sporta



04 pb3
Босна и Херцеговина
Федерација Босне и Херцеговине
КАНТОН САРАЈЕВО
Министарство културе и спорта

Bosnia and Herzegovina
Federation of Bosnia and Herzegovina

CANTON SARAJEVO
Ministry of Culture and Sports

Broj: 12/03-04-02-24815/20
Sarajevo, 24.06.2021. godine

KANTON SARAJEVO
MINISTARSTVO PRAVDE I UPRAVE

(veza vaš broj: 03-04-02-24815/20 od 14.06.2021. g)
(Ovdje)

Predmet Izjašnjenje na Inicijativu zastupnika Senada Hasanovića
- dostavlja se -


U vezi vašeg Zahtjeva za dostavu izjašnjenja na zastupničku inicijativu zastupnika Senada Hasanovića zaprimljenu u ministarstvu pravde i uprave 10.06.2021. godine, a koja nam je dostavljena u prilogu, i u kojoj zastupnik u inicijativi predlaže da "se pristupi usklađivanju i harmonizaciji zakonskih i podzakonskih rješenja koja definiraju izbor i imenovanje upravljačkih struktura u ustanovama i preduzećima čiji je osnivač Kanton Sarajevo", u okviru svoje nadležnosti, u prilogu se očitujemo o inicijativi odnosno o mogućnosti da se utvrde jedinstveni standardi i kriteriji za sve upravljačke organe koje imenuje Vlada Kantona Sarajevo.

Pripremio: Dragan Vujmilović, sekretar MKS KS

S poštovanjem,

Dostavljeno:

- 1. naslov
- 2. a/a



web: <http://mks.ks.gov.ba>
e-mail: mks@mks.ks.gov.ba
Tel/fax: + 387 (0) 33 562-062
Sarajevo, Reisa Džemaludina Čauševića 1



Izjašnjenje na Inicijativu zastupnika Senada Hasanovića od 10.06.2021. godine

Ministarstvo kulture i sporta Kantona Sarajevo u svojoj nadležnosti ima trinaest javnih ustanova kulture i to:

1. Narodno pozorište Sarajevo, Obala Kulina bana 9,
2. Sarajevska filharmonija, Obala Kulina bana 9
3. Pozorište mladih Sarajevo, Kulovića 8,
4. Kamerni teatar 55, M.Tita 56/II,
5. Sarajevski ratni teatar-SARTR, Gabelina broj 16,
6. MES-Međunarodni teatarski festival – Scena MESS, M.Tita 54,
7. Muzej Sarajeva, Josipa Šadlera broj 32
8. Kantonalni zavod za zaštitu kulturno- historijskog i prir. nasljeđa Sarajevo, Josipa Šadlera broj 32
9. Historijski arhiv Sarajevo, Alipašina 19
10. Bosanski kulturni centar Kantona Sarajevo Branilaca Sarajeva 24
11. Biblioteka Sarajeva, Miss Irbina 4
12. Muzej „Alija Izetbegović“, Ploča bb
13. Collegium artisticum, M Terezije bb

Kada je riječ o odredbama kojim se regulira izbor i imenovanje upravljačkih struktura (direktora kao organa rukovođenja, upravnog odbora kao organa upravljanja i nadzornog odbora kao organa nadzora) u navedenim javnim ustanovama iste su sadržane u:

1. Zakonu o ustanovama (“Službene novine Kantona Sarajevo”, br. 6/92, 8/93 i 13/94),
2. Materijalnom propisu kojim se uređuje djelatnost koju javna ustanova obavlja (Zakon o pozorišnoj djelatnosti (“Službene novine Kantona Sarajevo”, broj 42/13 i 6/16), Zakon o muzejskoj djelatnosti (“Službene novine Kantona Sarajevo”, broj 13/17) Zakon o zaštiti kulturne baštine (“Službene novine Kantona Sarajevo”, broj 2/00 i 37/08), Zakon o arhivskoj djelatnosti (“Službene novine Kantona Sarajevo”, broj 50/16) i Zakonom o bibliotečkoj djelatnosti “Službene novine Kantona Sarajevo”, broj 4/99),
3. Osnivačkim aktima svih 13 javnih ustanova kulture koje je u ime osnivača donijela Skupština Kantona Sarajevo,
4. Pravilima javnih ustanova kulture kao njihovom osnovnom opštem aktu na čije odredbe svoju saglasnost daje Vlada Kantona Sarajevo, te

Radi ujednačavanja kriterija u oblasti kulture na prijedlog Ministarstva kulture i sporta Kantona Sarajevo, Vlada Kantona Sarajevo je donijela Odluku o standardima i kriterijima za imenovanje na pozicije predsjednika i članova upravnih i nadzornih odbora ustanova iz oblasti kulture i sporta (“Službene novine Kantona Sarajevo”, broj 18/15).

Iz navedenog proizilazi da su položaj i uloga upravljačkih struktura u oblasti kulture, kriteriji za njihov izbor i imenovanje detaljno uređeni i unificirani za sve javne ustanove kulture, uvažavajući posebnost djelatnosti kulture koje se ne obavljaju radi sticanja dobiti (kao u javnim preduzećima), nego radi obavljanja javne službe od (općeg) javnog interesa, te iz tih razloga posebni uslovi za njihov izbor i imenovanje ne bi mogli biti isti.



web: <http://mks.ks.gov.ba>
e-mail: mks@mks.ks.gov.ba
Tel/fax: + 387 (0) 33 562-062
Sarajevo, Reisa Džemaludina Čauševića 1





SLUŽBENE NOVINE KANTONA SARAJEVO

Godina XX – Broj 18

Četvrtak, 14. maja 2015. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 Ispravka) i člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a u vezi sa članom 9. Zakona o Kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11), Vlada Kantona Sarajevo na Šestoj sjednici održanoj 07.05.2015. godine, donijela je

ODLUKU

O RASPISIVANJU JAVNOG OGLASA ZA IMENOVANJE PREDSEDNIKA I ČLANOVA UPRAVNOG ODBORA KANTONALNE AGENCIJE ZA PRIVATIZACIJU SARAJEVO

I

Raspisuje se javni oglas za imenovanje predsjednika i članova Upravnog odbora Kantonalne agencije za privatizaciju Sarajevo, koji je sastavni dio ove Odluke.

II

Za provođenje ove Odluke zadužuje se Ministarstvo privrede i komisija koja će biti imenovana posebnim rješenjem Vlade Kantona Sarajevo.

III

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-7331-8/15
07. maja 2015. godine
Sarajevo

Premijer
Elmedin Konaković, s. r.

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 1. i 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 25. i 34. Zakona o ustanovama ("Službeni list RBiH", br. 6/92, 8/93 i 13/94), Vlada Kantona Sarajevo, na Sedmoj sjednici održanoj 07.05.2015. godine, donijela je

ODLUKU

O STANDARDIMA I KRITERIJIMA ZA IMENOVANJE NA POZICIJU PREDSEDNIKA I ČLANOVA UPRAVNIH I NADZORNIH ODBORA JAVNIH USTANOVA IZ NADLEŽNOSTI MINISTARSTVA KULTURE I SPORTA

I

Ovom odlukom Vlada Kantona Sarajevo utvrđuje standarde i kriterije za imenovanje na poziciju predsjednika i članova upravnih i nadzornih odbora javnih ustanova iz nadležnosti Ministarstva kulture i sporta:

1. Narodno pozorište Sarajevo
2. Pozorište mladih Sarajevo
3. Sarajevski ratni teatar - SARTR
4. Međunarodni teatarski festival - Scena MESS
5. Kamerni teatar 55
6. Biblioteka Sarajeva
7. Historijski arhiv Sarajevo
8. Kantonalni zavod za zaštitu kulturno-historijskog i prirodnog naslijeđa Sarajevo
9. Sarajevska filharmonija
10. Muzej Sarajeva
11. Muzej "Alija Izetbegović"
12. Centar za kulturu Kantona Sarajevo

II

Za predsjednika i člana upravnog i nadzornog odbora javnih ustanova iz tačke I ove odluke može biti imenovan kandidat koji ispunjava opšte i posebne uslove:

1) Opšti uslovi

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije,
- da se na njega ne odnosi član IX 1. Ustava Bosne i Hercegovine - da nisu pod optužnicom Međunarodnog suda za ratne zločine u bivšoj Jugoslaviji,
- da nije osuđivan za krivično djelo i za privredni prestup nespojiv sa dužnošću u upravnom i nadzornom odboru

javne ustanove i da se protiv njega ne vodi krivični postupak,

- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08),
- da nije na funkciji u političkoj stranci.

2) Posebni uslovi

a) Posebni uslovi za upravni odbor

- visoka stručna sprema i najmanje pet (5) godina radnog staža,
- viša školska sprema i najmanje pet (5) godina radnog staža,
- srednja stručna sprema i najmanje pet (5) godina radnog staža,
- da nema privatni finansijski interes u javnoj ustanovi u čiji se upravni odbor imenuje,
- da nije direktor javne ustanove,
- da nije član više od jednog upravnog ili nadzornog odbora.

b) Posebni uslovi za nadzorni odbor

- visoka stručna sprema ekonomskog smjera ili pravnog smjera ili iz djelatnosti kojom se javna ustanova bavi,
- najmanje pet (5) godina radnog staža sa visokom stručnom spremom,
- da nema privatni finansijski interes u javnoj ustanovi u čiji se nadzorni odbor imenuje,
- da nije direktor javne ustanove,
- da nije član više od jednog upravnog ili nadzornog odbora.

III

Upravni odbor javnih ustanova iz tačke I stav 2. ove odluke ima predsjednika i četiri člana. Nadzorni odbor javnih ustanova iz tačke I stav 2. ove odluke ima predsjednika i dva člana.

IV

Jedan član upravnog i jedan član nadzornog odbora imenuje se iz reda stručnih radnika zaposlenih u javnoj ustanovi.

V

Prilikom utvrđivanja ili primjene kriterija Vlada Kantona Sarajevo neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, spola,

bračnog statusa, porodičnog statusa, invalidnosti ili postojanja presude za koju je izrečeno pomilovanje.

VI

Na osnovu uslova utvrđenih u tačkama II, III i IV ove odluke. Ministar kulture i sporta Kantona Sarajevo objavit će javni oglas za upražnjene pozicije predsjednika i članova upravnih i nadzornih odbora javnih ustanova iz nadležnosti Ministarstva kulture i sporta u "Službenim novinama Federacije BiH" i jednom dnevnom listu velikog tiraža, te predložiti Vladi Kantona Sarajevo sastav Komisije za nominiranje/imenovanje predsjednika i članova upravnih i nadzornih odbora javnih ustanova.

VII

Standardi i kriteriji za imenovanje čuvaju se u evidenciji Vlade Kantona Sarajevo.

VIII

Stupanjem na snagu ove odluke stavlja se van snage Odluka o standardima i kriterijima za imenovanje na poziciju predsjednika i članova upravnih i nadzornih odbora javnih ustanova iz oblasti kulture i sporta ("Službene novine Kantona Sarajevo", br. 12/04, 11/05 i 37/05).

IX

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-8923-32/15
07. maja 2015. godine
Sarajevo

Premijer
Elmedin Konaković, s. r.

Ministarstvo finansija

Na osnovu člana 17. stav (1) Zakona o izvršavanju Budžeta Kantona Sarajevo za 2015. godinu ("Službene novine Kantona Sarajevo", broj 13/15), Ministar finansija donosi slijedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2015. GODINU ZA KANTONALNI SUD U SARAJEVU

1. Odobrava se preraspodjela sredstava u Budžetu Kantona Sarajevo za 2015. godinu i to:

ODLUKA O OSNIVANJU JU COLLEGIUM ARTISTICUM

Broj 28 – Strana 232

SLUŽBENE NOVINE
KANTONA SARAJEVO

Četvrtak, 5. jula 2018.

Član 6.

(Preuzimanje poslova, zaposlenika, opreme, arhive i sredstava za rad)

- (1) Javna ustanova preuzima sve poslove, te zaposlenike zatečene na preuzetim poslovima, opremu, arhivu, sredstva za rad i finansijska sredstva, kao i sva prava i obaveze ranije organizacione jedinice "Collegium artisticum" iz JU "Centar za kulturu Kantona Sarajevo".
- (2) Oprema, arhiva i sredstva za rad iz stava (1) ovog člana imovina su Kantona.

Član 7.

(Djelatnost)

- (1) Djelatnost Javne ustanove obuhvata:
 - 18.11 Štampanje novina
 - 18.12 Ostalo štampanje
 - 18.13 Usluge pripreme za štampu i objavljivanje
 - 18.14 Knjigoveške i srodne usluge
 - 18.20 Umnožavanje snimljenih zapisa
 - 58.11 Izdavanje knjiga
 - 58.14 Izdavanje časopisa i periodičnih publikacija
 - 58.19 Ostala izdavačka djelatnost
 - 59.14 Djelatnosti prikazivanja filmova
 - 59.20 Djelatnost snimanja zvučnih zapisa i izdavanje muzičkih zapisa
 - 74.90 Ostale stručne, naučne i tehničke djelatnosti, d.n.
 - 79.90 Ostale rezervacijske usluge i djelatnosti u vezi s njima
 - 85.59 Ostalo obrazovanje i podučavanje
 - 90.01 Izdavačka umjetnost
 - 90.02 Pomoćne djelatnosti u izdavačkoj umjetnosti
 - 90.03 Umjetničko stvaralaštvo
 - 90.04 Rad umjetničkih objekata
 - 91.01 Djelatnost biblioteka i arhiva
 - 91.02 Djelatnost muzeja.
- (2) Javna ustanova vrši i:
 - a) pružanje usluga u vanjsko-trgovinskom prometu u oblasti registrovane djelatnosti,
 - b) prezentaciju i unapređenje likovnih i primjenjenih umjetnosti i arhitekture (djelatnosti slobodnih umjetnika, kao što su slikari, kipari, grafičari, dizajneri, arhitekti).

Član 8.

(Proširenje ili promjena djelatnosti)

- (1) Javna ustanova ne može promijeniti djelatnost iz člana 7. ove odluke, bez saglasnosti osnivača.
- (2) Djelatnost Javne ustanove iz člana 7. ove odluke može se proširiti ili promijeniti.
- (3) Odluku o proširenju ili promjeni djelatnosti donosi Skupština na prijedlog Vlade.

Član 9.

(Pravni i drugi poslovi)

Javna ustanova ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Član 10.

(Sredstva za osnivanje i odgovornost u pravnom prometu)

- (1) Osnivački ulog Javne ustanove je 1.000,00 KM (slovima: jednihiljadakonvertibilnihmaraka).
- (2) Sredstva za osnivanje Javne ustanove obezbjeđuje Osnivač.
- (3) Za svoje obaveze javna ustanova odgovara svom svojom imovinom - potpuna odgovornost.
- (4) Osnivač Javne ustanove je odgovoran za obaveze ustanove do visine osnivačkog uloga.

Član 11.

(Sredstva za rad)

- (1) Sredstva za rad Javne ustanove obezbjeđuju se iz:
 - a) Budžeta Kantona Sarajevo,

- b) vlastitih prihoda Javne ustanove,
- c) od naplate ulaznica,
- d) iz naknada za obavljanje intelektualnih i drugih usluga,
- e) iz legata, poklona, donacija, zavještanja,
- f) iz drugih izvora u skladu sa zakonom.

- (2) Javna ustanova raspolaže sredstvima u skladu sa Zakonom o izvršavanju Budžeta Kantona Sarajevo i drugim zakonskim i podzakonskim propisima i opštim aktima.

Član 12.

(Saglasnost na opšte akte)

Vlada daje saglasnost na Pravila, Pravilnik o unutrašnjoj organizaciji i sistematizaciji, planove rada i razvoja i godišnji program rada Javne ustanove.

Član 13.

(Medusobna prava i obaveze)

Pitanja prava i obaveza između osnivača i Javne ustanove koja nisu regulisana ovom odlukom, utvrdit će se ugovorom.

Član 14.

(Organ upravljanja)

- (1) Organ upravljanja u Javnoj ustanovi je Upravni odbor.
- (2) Upravni odbor ima pet članova.
- (3) Jedna trećina članova Upravnog odbora po pravilu imenuje se iz reda stručnih kadrova zaposlenih u Javnoj ustanovi.
- (4) Predsjednika i članove Upravnog odbora imenuje i razrješava Vlada.
- (5) Predsjednik i članovi Upravnog odbora imenuju se na period od četiri godine i mogu biti ponovo imenovani.
- (6) U slučaju kada Upravni odbor nije imenovan, Vlada imenuje vršioca dužnosti predsjednika i članova Upravnog odbora na period od najviše tri mjeseca.

Član 15.

(Organ rukovođenja)

- (1) Organ rukovođenja u Javnoj ustanovi je direktor.
- (2) Direktora Javne ustanove imenuje Upravni odbor na osnovu konkursa koji se objavljuje u javnim glasilima, uz saglasnost Vlade.
- (3) Direktor Javne ustanove ne može biti član Upravnog odbora.
- (4) Direktor Javne ustanove ovlašten je da predstavlja i zastupa javnu ustanovu u okviru registrovane djelatnosti.
- (5) U periodu do imenovanja direktora, poslove predstavljanja i zastupanja Javne ustanove će obavljati vršilac dužnosti direktora kojeg imenuje Upravni odbor.
- (6) Vršilac dužnosti direktora može rukovoditi Javnom ustanovom do imenovanja direktora, a najduže šest mjeseci od dana njegovog imenovanja.

Član 16.

(Organ kontrole poslovanja)

- (1) Organ kontrole poslovanja u Javnoj ustanovi je Nadzorni odbor.
- (2) Nadzorni odbor ima tri člana.
- (3) Predsjednika i članove Nadzornog odbora imenuje i razrješava Vlada.
- (4) Jedan član Nadzornog odbora imenuje se iz reda stručnih radnika zaposlenih u Javnoj ustanovi.
- (5) U slučaju kada Nadzorni odbor nije imenovan, Vlada imenuje vršioca dužnosti predsjednika i članova Nadzornog odbora na period od najviše tri mjeseca.

Član 17.

(Stručni organ - umjetnički savjet)

Stručni organ u Javnoj ustanovi je Umjetnički savjet za djelatnosti kojima se ustanova bavi, čija prava, obaveze i odgovornosti se bliže uređuju Pravilima Javne ustanove.

ZAKON O POZORIŠNOJ DJELATNOSTI

Četvrtak, 31. oktobra 2013.

SLUŽBENE NOVINE
KANTONA SARAJEVO

Broj 42 – Strana 35

- (3) Pozorišta saraduju sa pozorištima nacionalnih manjina radi podsticanja slobode kulturnog izražavanja na jezicima nacionalnih manjina i pružanja pomoći u očuvanju njihovog nacionalnog identiteta.

Član 18.

(Sredstva za rad pozorišta)

- (1) Sredstva za rad pozorišta obezbjeđuju se iz:
- a) budžeta osnivača po kriterijima koje svake kalendarske godine utvrđuje osnivač,
 - b) prihoda ostvarenih djelatnošću pozorišta,
 - c) prihoda ostvarenih po osnovu sponzorstva, poklona, zaklada, marketinga i sl.
- (2) Sredstva za rad pozorišta, osim iz budžeta osnivača, mogu se obezbijediti i iz budžeta druge političko-teritorijalne zajednice, ako je program ili dio programa pozorišta od javnog interesa za tu zajednicu.
- (3) Da je program ili dio programa pozorišta od javnog interesa za Kanton, Grad ili općinu utvrđuje svojim zaključkom Vlada Kantona, odnosno gradsko ili općinsko vijeće na prijedlog Ministarstva, odnosno nadležne gradske ili općinske službe.
- (4) Međusobna prava i obaveze u pogledu obezbjeđivanja sredstava u smislu stava (2) ovog člana regulisat će se ugovorom između Kantona i Grada, odnosno općine.

Član 19.

(Obaveze osnivača)

- (1) Osnivač je obavezan obezbijediti sredstva za redovan program pozorišta koji donosi upravni odbor svake godine uz prethodnu saglasnost Ministarstva.
- (2) Sredstva iz stava (1) ovog člana obuhvataju sredstva za program i materijalne izdatke.
- (3) Sredstva za program obuhvataju plaće i honorare angažovanih umjetnika, te troškove opreme i izvođenja programa.
- (4) Sredstva za materijalne izdatke čine plaće pozorišnih djelatnika i drugi tekući izdaci.
- (5) Za finansiranje posebnih programa koji ne čine redovan program pozorišta i pozorišnog ansambla, sredstva se obezbjeđuju kroz poseban ugovor pozorišta odnosno pozorišnog ansambla i naručioca toga programa.

Član 20.

(Organi pozorišta kao javne ustanove)

- (1) Pozorište ima:
- a) upravni odbor kao organ upravljanja;
 - b) direktora kao organ rukovođenja;
 - c) nadzorni odbor kao organ kontrole poslovanja;
 - d) umjetnički savjet kao savjetodavno tijelo u vođenju poslova iz domena umjetnosti.
- (2) Pozorište može imati i druge organe i tijela čije se imenovanje, sastav, nadležnost, način rada i odlučivanja uređuju pravilima pozorišta.

Član 21.

(Položaj, prava i obaveze upravnog i nadzornog odbora)

- (1) Položaj, prava i obaveze upravnog i nadzornog odbora regulišu se zakonom kojim se uređuje rad ustanova i pravilima pozorišta.
- (2) Mandat članova upravnog i nadzornog odbora traje četiri godine.

Član 22.

(Direktor pozorišta)

- (1) Direktor pozorišta zastupa i predstavlja pozorište, organizuje i provodi umjetničku i poslovnu politiku i odgovoran je za zakonitost rada pozorišta.
- (2) Direktor pozorišta pri izvršavanju obaveza iz stava (1) ovog člana se stara da se svi zaposleni pozorišni umjetnici što ravnomjernije angažuju u realizaciji godišnjeg pozorišnog repertoara.

- (3) Pozorište ima direktora, a može imati i umjetničkog direktora za svaku oblast pozorišnog stvaralaštva, ako je to predviđeno osnivačkim aktom pozorišta.

- (4) Bliži uslovi za imenovanje direktora pozorišta određuju se Pravilima pozorišta.

- (5) Prava i obaveza direktora uređuju se pravilima pozorišta u skladu sa ovim zakonom i zakonom kojim se uređuje rad ustanova.

Član 23.

(Imenovanje i razrješenje direktora)

- (1) Direktora pozorišta, čiji osnivač je Kanton Sarajevo, imenuje i razrješava Upravni odbor, na osnovu javnog konkursa, uz prethodnu saglasnost Vlade Kantona Sarajevo, a na prijedlog Ministarstva.
- (2) Direktora pozorišta čiji osnivač su općina ili grad Sarajevo imenuje upravni odbor, na osnovu javnog konkursa, uz prethodnu saglasnost gradonačelnika odnosno općinskog načelnika, a na prijedlog nadležne gradske odnosno općinske službe.
- (3) Direktor pozorišta imenuje se na period od četiri godine na osnovu javnog konkursa, a na osnovu predloženog četvorogodišnjeg programa rada pozorišta koji obavezno sadrži finansijski i kadrovski plan njegovog ostvarivanja.
- (4) Za direktora može biti imenovano lice koje ima visoku stručnu spremu - završena jedna od umjetničkih akademija ili filozofski fakultet.
- (5) Upravni odbor pozorišta raspisuje i provodi konkurs za imenovanje direktora u skladu sa zakonom, aktom o osnivanju i pravilima ustanove.

Član 24.

(Godišnji program rada i izvještaj o radu)

- (1) Direktor pozorišta podnosi osnivaču godišnji program rada i pozorišni repertoar najkasnije do 30. oktobra za slijedeću godinu, a izvještaj o njihovim izvršavanju, najkasnije do 31. januara za proteklu godinu.
- (2) Na obrazložen zahtjev osnivača, direktor pozorišta je obavezan dostavljati mjesečne ili tromjesečne izvještaje o radu i druge akte pozorišta.

Član 25.

(Saglasnost upravnog odbora)

Direktor pozorišta ili umjetnički direktor za vrijeme trajanja mandata ne može umjetnički djelovati i raditi pozorišne poslove izvan pozorišta bez prethodne pisane saglasnosti upravnog odbora.

Član 26.

(Umjetnički savjet pozorišta)

- (1) U pozorištu se obrazuje umjetnički savjet kao savjetodavno tijelo koje prati ostvarivanje programa rada pozorišta i pozorišnog repertoara.
- (2) Umjetnički savjet sačinjavaju istaknuti umjetnici i drugi stvaraoci iz oblasti umjetnosti i kulture i predstavnici umjetničkog ansambla pozorišta.
- (3) Broj članova umjetničkog savjeta, postupak i način imenovanja, prava obaveze i odgovornosti umjetničkog savjeta bliže se uređuju pravilima pozorišta.

Član 27.

(Djelokrug umjetničkog savjeta)

Umjetnički savjet naročito:

- a) razmatra predloženu umjetničku koncepciju koju je kreirao direktor pozorišta,
- b) razmatra predloženi godišnji repertoarski plan i estetski ga vrednuje,
- c) prihvata plan gostovanja i učesća na festivalima, koji predlaže direktor pozorišta.



SLUŽBENE NOVINE KANTONA SARAJEVO

Godina XXI – Broj 6

Četvrtak, 11. februara 2016. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 12. stav 1. tačka c) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 01.02.2016. godine, donijela je

ZAKON

O IZMJENAMA I DOPUNAMA ZAKONA O POZORIŠNOJ DJELATNOSTI

Član 1.

(Izmjena i dopuna u članu 23. Zakona)

(1) U članu 23. stav (4) Zakona o pozorišnoj djelatnosti ("Službene novine Kantona Sarajevo", broj 42/13 - Prečišćeni tekst), riječi: " - završena jedna od umjetničkih akademija ili filozofski fakultet", zamjenjuju se riječima: " - VII stepen ili završen drugi ili treći ciklus bolonjskog sistema studiranja".

(2) Iza stava (4) dodaje se novi stav (5), koji glasi:

"(5) Pravilima javne ustanove preciziraće se vrsta i smjer visoke stručne sprema iz stava (4) ovog člana.

(3) Dosadašnji stav (5) postaje stav (6).

Član 2.

U članu 45. st. (2) i (3), riječ: "dvije", zamjenjuju se riječju: "tri".

Član 3.

(Stupanje na snagu ovog zakona)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2881/16
01. februara 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu čl. 60. i 61. Poslovnika Skupštine Kantona Sarajevo ("Službene novine Kantona Sarajevo - Drugi novi prečišćeni tekst", broj 41/12, 15/13, 47/13 i 47/15), Skupština Kantona Sarajevo na sjednici održanoj dana 01.02.2016. godine, donijela je

PROGRAM

RADA SKUPŠTINE KANTONA SARAJEVO ZA 2016. GODINU

I. SKUPŠTINA KANTONA SARAJEVO

I - NORMATIVNI DIO

1. Program rada Skupštine Kantona Sarajevo za 2017. godinu
Nosilac posla: Kolegij Skupštine
Predlagač: Kolegij Skupštine
Rok: decembar
2. Izmjene i dopune Poslovnika Skupštine Kantona Sarajevo
Nosilac posla: Kolegij Skupštine
Predlagač: Kolegij Skupštine
Rok:

II - TEMATSKI DIO

1. Izvještaj o radu Vlade Kantona Sarajevo za 2015. godinu
Nosilac posla: Vlada Kantona Sarajevo
Rok: april

II. OBLAST PRAVDE I UPRAVE

I - NORMATIVNI DIO

1. Zakon o inspekcijama
Nosilac posla: Premijer Kantona i Ministarstvo pravde i uprave
Rok: mart - nacrt
maj - prijedlog
2. Zakon o prijavljivanju, porijeklu i kontroli imovine izabranih i imenovanih dužnosnika i savjetnika u Kantonu Sarajevo
Nosilac posla: Premijer Kantona i Ministarstvo pravde i uprave
Rok: mart - nacrt
maj - prijedlog
3. Zakon o izmjenama i dopunama Zakona o pravobranilaštvu
Nosilac posla: Ministarstvo pravde i uprave
Rok: april - nacrt
juli - prijedlog
4. Zakon o izmjenama i dopunama Zakona o platama i naknadama članova organa upravljača i drugih organa kantonalnih javnih preduzeća
Nosilac posla: Ministarstvo pravde i uprave
Rok: juli - nacrt
septembar - prijedlog
5. Zakon o izmjenama i dopunama Zakona o plaćama i naknadama u organima vlasti Kantona Sarajevo
Nosilac posla: Ministarstvo pravde i uprave



2921 E1111/

M.S

Bosnia and Herzegovina
Federation of Bosnia and Herzegovina

04

CANTON SARAJEVO
Ministry for Education

Broj: 11-05/2-02-24815-5/21
Sarajevo, 30.06.2021. godine

KANTONA SARAJEVO
MINISTARSTVO PRAVDE I UPRAVE
-Ovdje-

Veza - Vaš akt, broj: 03-04-02-24815/20 od 14.06.2021. godine


Predmet: Izjašnjenje, dostavlja se

Cijenjeni,

Ministarstvo za odgoj i obrazovanje Kantona Sarajevo zaprimilo je Vaš akt, broj i datum gornji, u kojem navodite da Vam je dostavljena zastupnička inicijativa zastupnika Hasanović Senada, kojom imenovani predlaže da „se pristupi usklađivanju i harmonizaciji zakonskih i podzakonskih rješenja koja definiraju izbor i imenovanje upravljačkih struktura u ustanovama i preduzećima čiji je osnivač Kanton Sarajevo“. Istim aktom tražite da se Ministarstvo za odgoj i obrazovanje očituje o navedenoj inicijativi, odnosno mogućnosti da se utvrde jedinstveni standardi i kriteriji za sve upravljačke organe koje imenuje Vlada Kantona Sarajevo.

S tim u vezi, informišemo Vas da se imenovanja upravljačkih organa javnih ustanova, koje su u nadležnosti Ministarstva za odgoj i obrazovanje Kantona Sarajevo, vrše na osnovu odluka o standardima i kriterijima za nominovanje/imenovanje na pozicije upravljačkih struktura javnih ustanova koje donosi Vlada Kantona Sarajevo, a u skladu sa odredbama Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, br. 26/08 i 21/09), Zakona o osnovnom odgoju i obrazovanju („Službene novine Kantona Sarajevo“, br. 23/17, 30/17, 30/19 i 34/20), Zakona o srednjem obrazovanju („Službene novine Kantona Sarajevo“, br. 23/17 i 30/19), kao i sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, br. 12/03, 34/03 i 65/13).

S poštovanjem,



RICA

Reisa Džemaludina Čaušević

Dostaviti:

1. Naslovu;
2. Arhivi.



web: <http://mo.ks.gov.ba>
e-mail: mo@mo.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



EPHHP 2930
PB-6

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede



Босна и Херцеговина
Федерација Босне и Херцеговине
КАНТОН САРАЈЕВО
Министарство привреде

04

Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-03-04-24815/20
Sarajevo, 05.07.2021. godine

KANTON SARAJEVO
MINISTARSTVO PRAVDE I UPRAVE
- o v d j e -

PREDMET: Očitovanje o inicijativi zastupnika Senada Hasanovića

U vezi sa Vašim aktom broj: 03-04-02-24815/20 od 14.06.2021. godine, koji se odnosi na zastupničku inicijativu zastupnika u Skupštini Kantona Sarajevo Senada Hasanovića kojom se predlaže sljedeće: "da se pristupi usklađivanju i harmonizaciji zakonskih i podzakonskih rješenja koja definiraju izbor i imenovanje upravljačkih struktura u ustanovama i preduzećima čiji je osnivač Kanton Sarajevo" i kojim tražite očitovanje o navedenoj inicijativi, odnosno o mogućnosti da se utvrde jedinstveni standardi i kriteriji za sve upravljačke organe koje imenuje Vlada Kantona Sarajevo, Ministarstvo privrede Kantona Sarajevo daje sljedeće očitovanje:

U resoru Ministarstva privrede Kanton Sarajevo su:

KJP "ZOI '84" OCS d.o.o. Sarajevo, KJP Centar "Skenderija" d.o.o. Sarajevo, KJP „Sarajevo - šume“ d.o.o. Sarajevo, KJP „Veterinarska stanica“ d.o.o. Sarajevo, „Poljoprivredno dobro Butmir“ d.o.o. Sarajevo, JU "Centar za napredne tehnologije u Sarajevu" i Turistička zajednica Kantona Sarajevo.

Shodno članu 2. Zakona o kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11), Kantonalna agencija za privatizaciju Sarajevo je specijalizovana organizacija Kantona Sarajevo.

Organi kantonalnih javnih preduzeća (skupština, nadzorni odbor, uprava i odbor za reviziju) imenuju se u skladu sa Zakonom o javnim preduzećima u Federaciji Bosne i Hercegovine ("Službene novine Federacije Bosne i Hercegovine", br. 8/05, 81/08, 22/09 i 109/12), Zakonom o privrednim društvima ("Službene novine Federacije Bosne i Hercegovine" broj 81/15), Odlukom o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo („Službene novine Kantona Sarajevo", broj 31/19), podzakonskim aktima i internim aktima preduzeća.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Organi javne ustanove (upravni odbor, nadzorni odbor i direktor) imenuju se u skladu sa Zakonom o ustanovama ("Službeni list RBiH", br. 6/92, 8/93 i 13/94), podzakonskim aktima i internim aktima ustanove.

Organi Turističke zajednice Kantona Sarajevo (skupština, nadzorni odbor, turističko vijeće, predsjednik i ured za podršku turizmu) imenuju se u skladu sa Zakonom o turizmu („Službene novine Kantona Sarajevo“, br. 19/16, 31/17 i 34/17 - Ispravka), podzakonskim aktima i internim aktima Turističke zajednice Kantona Sarajevo.

U skladu sa Zakonom o kantonalnoj agenciji za privatizaciju ("Službene novine Kantona Sarajevo", br. 6/97, 7/00 i 19/11), Kantonalnom agencijom za privatizaciju Sarajevo upravlja Upravni odbor koji imenuje Skupština Kantona Sarajevo, na prijedlog Vlade Kantona Sarajevo. Nadzor nad zakonitošću rada i finansijskog poslovanja Agencije provodi Nadzorni odbor koji imenuje i razrješava Skupština Kantona Sarajevo. Agencijom rukovodi direktor, direktor ima zamjenika, koje imenuje i razrješava Vlada Kantona Sarajevo. U skladu sa podzakonskim aktima Ministarstvo privrede Kantona Sarajevo provodi samo proceduru po javnom oglasu za imenovanje upravnog odbora i direktora Agencije.

Prema naprijed navedenom može se zaključiti da postoje brojni posebni propisi kojima je definisan način imenovanja organa i to: pet navedenih kantonalnih javnih preduzeća koja obavljaju različite djelatnosti, jedne javne ustanove, Turističke zajednice Kantona Sarajevo i Kantonalne agencije za privatizaciju Sarajevo.

S poštovanjem,



Dostaviti:

1. Naslovu,
2. Evidenciji,
3. Arhivi.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

04

Broj: 27-01/2-02-27282/21
Sarajevo, 08.07. 2021. godine

KANTON SARAJEVO
MINISTARSTVO PRAVDE I UPRAVE
-ovdje

PREDMET: Izjašnjenje, daje se, -
VEZA: Vaš akt broj 03-04-02-24815/20 od 14.06.2021. godine

Povodom zastupničke inicijative zastupnika Senada Hasanovića, Ministarstvo za nauku, visoko obrazovanje i mlade Kantona Sarajevo, daje sljedeće izjašnjenje.

Ministarstvo za nauku, visoko obrazovanje i mlade Kantona Sarajevo u nadležnosti ima dvije javne ustanove, i to: Javnu ustanovu Univerzitet u Sarajevu i Javnu ustanovu „Studentski centar“ Sarajevo, sa različitim obimom ovlaštenja, svrhom osnivanja, strukturom upravljačkih tijela i budžetom. U konkretnom slučaju budžet Univerziteta u Sarajevu iznosi 120 miliona KM uz uvećanje iznosa na ime vlastitih prihoda, dok budžet Studentskog centra sa prihodima koje ostvaruju iznosi 650.000,00 KM. Ovom uporedbom ukazujemo na korjenite, da ne kažemo drastične razlike između ove dvije ustanove, zbog čega su i njihove upravljačke strukture neuporedive i ne mogu se dovesti pod istu ravan.

Vezano za usklađivanje i harmonizaciju zakonskih i podzakonskih rješenja koja definiraju izbor i imenovanje upravljačkih struktura u ustanovama i preduzećima čiji je osnivač Kanton Sarajevo, ističemo da u načelu podržavamo zastupničku inicijativu. Međutim, smatramo da je prilikom realizacije navedene inicijative, ukoliko se za nju opredijeli osnivač, potrebno cijeliti svrhu postojanja i djelatnost ustanove, visinu budžeta ustanove, broj radnika zaposlenih u ustanovi i ostale specifičnosti, na osnovu kojih je u nekom prethodnom periodu određena struktura upravljačkih tijela. Pored toga, realizacija inicijative zahtjevat će izmjenu seta zakona i podzakonskih akata, što je vrlo zahtjevan i nimalo lagan posao, koji će biti potrebno uraditi u koordinaciji svih resora u Kantonu Sarajevo.

S poštovanjem,

Dostaviti:

- Naslovu
- a/a

Pripremila: Belma Trajkov, sekretarka

Prof. dr. Melika Husić-Mehmedović



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-029
Sarajevo, Reisa Džemaludina Čauševića 1

